

**TRUTH
CENTERED
TRANSFORMATION**

MODULE 1



**SINGENISO SENKHONZO
YEKUPHELELISWA
INSITA YEMFUNDZI**

Sifundvo 2: Sentiwe Ngemfanekiso waNkhulunkhulu

Fundza Genesisi 1:26-27

- Bahluke ngani bantfu kunendalo yonkhe? Wasebentisa muphi umfanekiso Nkhulunkhulu nakadala bantfu
- Ngutiphi letinye tinkhomba tesimilo sebuNkhulunkhulu letingatfolakala kubantfu. Tfolatibetinyentana.





Fundza Emahubo 139:13-16

- elivesi lisitjela kutsini ngebumcoka bebantfu
- Ucabanga kutsi lelivesi likhuluma nencenye letsite yebantfu noma likhuluma nabobonkhe bantfu







Kucocisana kwesigungu lesincane:

- Nguluphi lolunye luhlobo lwebantfu lababukeleka phansi
- Ngutiphi letinye tindlela lesingatisebentisa kubantfu kubatjengisa kutsi bamcokwa kanganani kuNkulunkulu

Sifundvo 4: Lukha 2:52 Likhasi

Luhlangotsi	Tingoni tekukhula kwaKhrestu			
kukhula	Inhlakanipho	Enyameni	Emoyeni	Inhlalakahle
 Mine				
Emndenini 				
 Ebandleni				
Emmangweni 				

Sifundvo 5: Likhasi Letindlela Tekusita

Simo	Tindlela tekusita letingasentjetiswa libandla
Ulambile 	
Womile 	
Ungcunu 	
Ute indlu yekulala 	
Uyagula 	
Lije 	

Sifundvo 6: Umfundisi Wong

Kwake kwabakhona umfundisi kulelinye libandla lelincane emacentselweni laphuyile elidolobha lelikhulu. Liga ma lakhe kwakungu Wong. Wong wahamba wayohlala kulenzawo ngobe abetivele ngalokugcwele emoyeni wakhe kutsi Nkhulunkhulu umtfumele kulenzawo. Lelibandla belinelinani lebantfu labangu 40. liningi labo kwakubesifazane nebantfwana. Wong bekasebenta imisebenti lemibili. Wenta konkhe lokusemandleni akhe kuhola lelibandla lelincane, waphindze watfolala lomunye umsebenti kute atokhona kondla umkakhe nebantfwana bakhe lababili.

Ngalelinye lilanga, njengenjwayelo, wavuka entsatsakusa atokuba nesikhatsi lesikhetsekile naNkulunkulu. Wavuka wagcoka, waphuma masinyane kulelikhethini belehlukanisa indzawo yekulala neyekuhlala kulendlu lengena makamelo, umkakhe nebantfwana bachubeka balala. Wakhanyisa sibane sakhe. Wacala wafundza eBhayibhelini lakhe. Kuleyontsatsa kusa ebefundza ku Isaya, sehluko 58, asafundza weva kukhala kwaNkulunkulu ngendlela lafuna amkhonte ngayo.

Akusiyo yini indlela yekuzila lengiyikhetsile mine UNkulunkulu lena: akusiko yini kutfukulula tibopho tebubi, nekukhumula tintsambo telijoka, nekukhulula labacindzetelwe, nekwephula onkhe emajoke, akusiko yini kuhlephulelana kudla kwakho nalabalambile, nekulalisa tihambi endlini yakho, nekutsi nawubona lohlubulile umembulele, ungagucukeli labo labayinyama nengati yakho.

Wong akabanga asachubeka nekufundza. Inhlitiyo yakhe nengcondvo yakhe kwangabi nekuthula. Nangabe Nkhulunkhulu ubatsandza kangaka labeswele, kungani yena atikhandza asenhluphekweni nekweswela lokungaka lokwakwephula kudzabukisa inhlitiyo yakhe. Bekati konkhe kuhlupheka kwemmango wakibo nendlela bebabanebulukhuni bekuphila. Bebacindzeteleke impela. Kwayena Wong bekaba nebulukhuni bekondla umndeni wakhe futsi imvamisa yesikhatsi angakhoni kubatsengela imitsi bebayidzinga. Wacabanga kutsi uphi Nkhulunkhulu? nekutsi lencwadzi bekacedza kuyifundza yayingahambisana ingafananiswe njani netidzingo temmango wangakibo.

Asakhatsatekile ngalemicabango le, kwaba khona lonconcotsako emnyango. "Ingabe kungaba ngubani lona lonconcotsa ekuseni kangaka" Wong acabanga. Wase uya emnyango wabuta kutsi ngubani lonconcotsako. Liphimbo lalona bekangaphandle laphendula latsi 'nginguJesu, Wong. "Ungubani kahle kahle", kubuta Wong. Liphimbo lalingephandle laphendula latsi nginguJesu. Ngite ngoba ngikuvile kukhala kwenhlitiyo yakho. Ngifuna ungikhombise kutsi ukhatsatwa yini.

Leliphimbo lalivakala lingulelicinisekile. Wong wase uvula umnyango wakhe. Bekusesemnyama, Wong wabona umufanekiso kuphela, bewufana nalona bekahlala acabanga Jesu kutsi angaba njengawo. "Ngena Nkhosi", kusho Wong. "Chake Wong, ngifuna uhambe nami ungikhombe ummango wakini ungikhombe konkhe lokukukhatsata ngawo nalokuphula inhlitiyo yakho ngawo". Asesemangele, wavuma Wong, kepha kumele sihambe ngebunono lokukhulu. Belisolola lina kakhulu ngako kunengi kungcola lokukhona ngenca yekutsi site tindlu tangasese nemigodzi yetibi lokwenele.

Basahamba etitaladini talommango, Wong abecocela Jesu ngetindzaba taletindlu bebatengca. Kuleya bekuhlala umfati bekatitsengisa kute bantfwana bakhe badle. Kulomkhukhu loya lolandzelako, bekunesidzakwa sendvodza lebesishaya umfati waso nebantfwabaso sonkhe sikhatsi sidzakiwe.loko bekuyintfo beyenteka cishe sonkhe sikhatsi. Lapha ngesheya kwakulikhaya laloyo bekengamele lommango wetfu, idvodza leyayisikhohlakali lesikhulu. yayikhwabanisa imali lammangweni yetsembise ummango kuwufakela gesi – idzakwa futsi sigembula ngayo lemali.

Bendlula indzawo leyayivulekile emkhatsini walommango. Lenzawo kwakufanele kube yidzawo yekwakha indlu yemphatsi kodvwa bese igcwele kungcola lokunengi lokwakunuka kabi nemagundwane lasabekako. “Uyayibona lendlu leya”, kubuta Wong akhomba sandla sakhe emkhukhwini lowawuseceleni kwentsaba.”Kunemfati nebantfwana labahlala lapha. Luphahla lwalendlu leya luyanetsa kakhulu. Bahlupheka kakhulu. Banalokuncane kudla nekwekugcoka, bahlala bagula njalo cishe sonkhe sikhatsi. ‘Ngalesikhatsi lesi laba lababili besebangasekugcineni kwalentsaba yalommango. Wong wakhomba sandla sakhe endzaweni lesigaba. Watsi “Lapha entansi - ngulapho lomati nebantfwana bakhe bahamba bate befike khona kutewukha emanti. ecinisweni vele kute emanti kulenzawo”’.

Asajika likona Wong, weva sililo lesincane. Wabheka emuva afuna kubona kutsi sichamukaphi wakhandla kutsi kwakukhala Jesu. Wong wabona kutsi letintfo letatiphula inhletiyo yakhe naJesu tiyayephula neyakhe. Wase uyacala uyakhuluma kodvwa Jesu welula umkhono wakhe wawugaca kuWong, wambuka wase utsi, “Wong,ngifuna kukukhomba tinhloso lenginato ngalommango wakini.

Kusesenjalo, Wong watikhandza sekabuka ummango wakibo. Jesu wase ucala uyakhuluma futsi. Wong abetibona tonkhe letintfo Jesu bekatichaza - tatenteka. Jesu wakhuluma ngebantfu basesontfweni laWong - nekuba bebeswele ngalendlela bebaswele ngayo kepha bebakhona kucephulelana baphane loko bebanako. Ngelilanga bebabeka noma bagcine lilayisi lelincane balifake emabhodloleni. Ekupheleni kweliviki, wonkhe untfu bekaba nalo libhodlela leligcwele lelayisi lebebalimikisa esontfweni bayopha labo labete, egama laJesu. Bebenta kanjalo futsi nangensipho. Bafati balelisontfo bebavakashela njalo bafelokati balenzawo babasite ngekubawashela banakekele bantfwababo nabagula.

Jesu wakhuluma ngendzaba yemsebenti, Wong wabona bantfu balommango sebanawo umsebenti nanobe bekungasiwo lowo loholela kakhulu kodvwa bebakhona kondla iminden i yabo bente nakokonkhe lokwakumcoka. Jesu wakhuluma ngekwakha, Wong wabona imikhukhu leyayingenisa imvula nemakhata ishintja iba tindlu, hhayi letatisecophelweni lelisetulu kepha tindlu letatitinhle,tiphephile futsi tihlobile. Jesu wakhuluma ngemanti, khonalapho kwavele kwaba nemaphayiphi lamakhulu etindzaweni letitsite lapho khona bafati nebantfwana bebakhona kutfolah emanti lahlantekile. Jesu wakhuluma ngekuhlanteka, Wong wabona imigodzi yetibi, hhayi kuyoyonkhe imuti kodvwa etindzaweni lapho khona wonkhe umuntfu bekakhona kufinyelela khona. Lokungcola lokunengi lokwakusekhatsi nalommango kwavele kwanyamalala, esikhundleni sako kwaba netihlahlanyana letincane nebantfwana bebajabulile badlala ibhola. Jesu wakhuluma ngetimphilo tebantfu letatiguculekile. Wong wabona lomake bekatsengisa umtimba kute ondle bantfwana bakhe sekondla bantfwana ngemali yemsebenti lowawuhloniphekile. Lesidzakwa sendvodza sona bese siyindvodza lewutsandzako umdeni wayo. Lomengameli wemmango yena bese angasakhwabanisi imali yebantfu bemmango, kodvwa bese ayisebentisa ngendlela lengiyo isita ummango. Jesu wase utsi” Wong buka nali libandla”, walibuka Wong. Laligcwele,

kwakunemadvodza lombala, bantfu bebajabule impela. Bebabonga Nkhulunkhulu babonga nemusa wakhe. Nangu Wong, bekašumayela angumholi ahola bantfu bakhe ngamoya nangelutsando lolulungile. Jesu achaza, “Wong, lombono lona uyinjongo Yami ngalommango wakini, ngifuna uhambise lombono uhole bantfu ngawo kuze ugcwaliseke”.

Wong wacala kubalisa,” kodvwa Nkhosi, siphuyile nje!” “Wong” Jesu wambuta ngelivi lelincane, “Ngubani lowahola bantfwana baka Israyeli wabeweta lwandle lolubovu. Ngubani lowandzisa tinkhwa netimfishi wondla emadvodza latinkhulungwane letisihlanu kufaka ekhatsi bafati nebantfwana. Ngubani lowandzisa emafutsa emfelokati wase Sarephath kwaze kwenela kutsi angondla umndeni wakhe iminyaka lemitsatfu yendlala. Ngubani lowabindzisa lwandle lwaseGalile? “Nguwe Nkhosi”, aphendvula Wong. “Manje lalela ke Wong, yenta loku lengitsite kwente. Hlephulelana ngaloku lonako, noma kukuncane kangaka. Memetela injongo yami kubantfu bakini----- Emoyeni nasenyameni. Ngitobese ngiphilisa live lenu.

Wong weva lichudze likhala, Umkakhe wakhwehlela wase ubheka ngasekhethenini. Wong bekahleli etafuleni, kepha sibane sakhe besesicimile. Wong wabuka endlini kutsi utawubona Jesu, kepha akatange abone muntfu. Wakhatsateka, “kambe bengiphupha, nome bekungumbono,” akatanga, kepha Wong wabanesiciniseko kutsi abevakashelwe nguJesu nekutsi bese anekucondza lokusha ngenjongo yaNkhulunkhulu ngalabeswele..... Kantsi futsi watfola umbono lomusha ngekuhola bantfu bakubo kutsi babonakalise lutsandvo lwaNkhulunkhulu emphakatsini wakhe.

- Ngutiphi letinye tingcinamba letitfolakala emphakatsini waWong. Yehlukanisa letingcinamba ngetigaba letine: Emoyeni, Enyameni, Engcondvweni, Nasebudlelwaneni.
- Bekuyini injongo yaNkhulunkhulu kulomphakatsi. Hlatiya ngayinye ngayinye kuletingcinamba bese sitfolakala kutsi Jesu waveta liphi likhambi.
- Jesu watsi kuPastor Wong yini labhekeke kutsi ayente.

Sifundo 6: Jose Na Maria Case Study

Indlu ya Jose na Maria ishile; kute nakunye lokusele. Itolo bona nebantfwana babo labasihlanu bahlala kamakhelwane. Kepha ke sebavele balishumi bantfu labahlala kulendlu lencane, sekute sikhala salabasikhombisa labangetekako manje. Jose ungumlimi futsi sowucedzile kuhlanyela lensimi yakhe lencane, kodvwa kusesele tinyanga letintsatfu kuvunwe. Usebentise yonkhe imali yakhe kutsenga inhlanyelo bese konkhe lokunye kushile emlilweni.

Ngutiphi letinye tidzingo talomndeni.

Ngutiphi letinye tintfo letitfolakala emmangweni letingasita.

- Bantfu
- Timphahla tekusita
- Takhiwo

